

二
知
軒
詩
鈔

二知軒詩鈔卷二

定遠方濬頭子箴

古今體詩一百二十首

己亥至辛丑

己亥新春和迺亭族伯試筆詩原韻

冰雪漫空冷鬢華
相思百里卽天涯
詩來人日飛吟札
筆灑春風綻墨花
麗句漫輸金谷酒
清詞快飲玉川茶
一窗松影真幽絕
閒坐敲棋靜不譁

晴光轉瞬換韶華
春到山巔共水涯
萬縷烟痕蘇漢柳
十分火候助唐花
魚驚破浪剛垂釣
鳥喚提壺更煮茶
都與騷壇增逸興
銜枚戰士願無譁

輪蹄計日向京華翹首龍門定有涯心地只因虛似竹
文章敢說豔如花山城月上催行騎沙岸風和聽賣茶
此去天衢雲路近肯隨燕雀圖喧譁

詠雪和韻

彤雲密布晚來天萬片瓊瑩慶有年瑤島妝成疑琢玉
紅爐點罷漫生烟香尋梅鴨鵝雙屐聲咽松濤凍七絃
紙帳夢回涼似水醉歌招隱不思眠

醞釀層霄頃刻中天花飄灑出龍宮詞妍受簡推司馬
帖展時晴快戲鴻蒲蘋海邊寒起霧昆明臺上舞迴風
清吟擬換陽春調一幅冰綃寄驛筒

誰道空桑別有天
願將三白頌年年
無風自歇簷牙溜
不雨偏籠屋角烟
幽徑客爭披鶴氅
深閨人嬾撥鴟絃
生平愛讀王孫子
敢笑焦公地上眠

放眼光明大地中
琉璃世界水晶宮
千山散漫驚飛鳥
一氣蒼茫鼓泰鴻
茗椀清逾蒙頂露
詩囊冷壓灞橋風
敲冰欲煮銀絲脍
獨向寒江理釣筒

靈丹潤骨降瑤天

春雪曰
潤骨丹

那異嵯州人貢年
謝女多才

吟柳絮坡公拈韻
寫松烟碧空半曳
吳門練絲綺初調
郢客絃九斛玉塵
輸不得仙山難傍
白雲眠

擬泛扁舟入剡中
樓臺千里化璇宮
峨嵋山老啼猿狖

梁苑雲低滯雁鴻地脉交蘇潛布澤天瓢細洒不禁風
太平豈有封條詠應候常符嶰谷筒

雲根石髮白漫天莫把青山比少年

翻用東坡詩

碧沼平鋪

收浪縠瓊幃深下鎖爐烟馬穿滑逕頻迷路鳥息歌聲
罷撫絃最是軒窗增皎潔蕭齋未許枕書眠

斷葦殘蕉一抹中天留畫本傲南宮咸池日冷停羲馭
墨海冰堅說帝鴻檻外黃昏如霽月座間白戰到春風
曉來凍雀歸檐噪喜對晴光挹酒筒

前詩既成意有未盡因復兩疊元韻並以寫懷

到此真成淡漠天掃除熱惱自今年一塵不染原如水

萬隴全平欲斷烟寂寂沙隄人戴笠紛紛冰澗夜鳴絃
遙知驢背吟詩客笑指旗亭柳盡眠

非露非霜變幻中元陰摩盪氣諸宮泥融地戶剛驚蟄
寒逼天鈞暗轉鴻臚出桃花三月浪吹來荻絮五更風
唱酬慙是巴人曲緩疊蠻牋貼翠筒

翹首風雲會九天詞壇仙侶正華年

謂孫市農

輸他薇省添

新草笑我蓬廬冷暮烟徑阻終南須改轍陽回日下待
調絃杜陵廣厦原相庇休羨田家曝背眠

高下迷離四望中星虛不辨斗牛宮踏從雲路情難駐

送入燕臺勢若鴻

天鴻雪見水經注

揮灑三霄欣得地飛揚萬

里總乘風百花頭上探消息瑞溢雙魚遠寄筒

自南沙河至界河車馬疲乏間住半日漫題壁上
纔過沙河又界河馬蹄局促駐平坡市人漫有空羣目
壯士羞聞伏櫪歌自笑塵中遭困久偏因客裏得閒多
明朝願展驅風足莫遣征夫怨坎坷

乞兒歎

我行兗州道井田玩遺址來牟秀漸漸豐年古如此胡
爲蓬頭跣足人呼號被野目難視一錢活命願已足隨
車那肯避鞭箠君不見揮金如土富家兒琵琶一曲春
風裏但解鶯聲能悅耳焉知鴻雁哀鳴起

車中雜詠

廉纖細雨溼飛沙
野老迎車賣井華
春色隔牆關不住
紫荆樹底碧桃花

萬里雲陰澹未消
離情深鎖柳千條
家園應有栽花課
細撥香泥種菊苗

西風獵獵路縱橫
擁被酣眠不計程
半晌忽驚遊子夢
臨街飛過畫眉聲

高吳橋曉行

一夜涼颼掃積陰
曉來霽色透疎林
野橋無水沙空漾
客邸思鄉酒罷斟
麥浪輕翻疑荇帶
蘆芽低竊似秧針

摩挲細認留題字舊雨茗溪感不禁

旅店有吳興陳
抱之題摩字

口占

樹色拖藍繞四圍
暖風抽麥土膏肥
板橋一道平如砥
只少衝波白鷺飛

汶上

四野風威壯衝寒客問途
烟隨村樹合旱藉井泉蘇
天咸以井水澆麥用
穀雨車中度梨雲隴上鋪
披裘及春暮尙覺冷侵膚

停驂東郭外紅日未沈西
一水通洙泗孤城界魯齊
地嫌茅店隘路礙柳陰低
自信無塵障尋春漫品題

沙河 東平郭外

昔年秋漲湧白浪盡翻銀

壬辰秋末過此河水甚大

今歲春潮涸黃

沙半掩輪滄桑成小劫名利絆閒身計日長安近天街
踏軟塵

舊縣山溝

險隘何時開崇碑紀甲申中央開坦坦一縷走犇犇望

重粉榆社恩周南北人柳泉歸路穩山勢失嶙峋

聞當事者

創修柳泉山路

倉頡墓

文字千年祖真參造化權馨香垂簡冊碑碣表荒阡制

擴雲書外功開史籀先銅城墩畔望憑弔意茫然

車中偶成

遠望長衢似祇平雙輪轆轤四蹄輕一番風當一番雨
半日陰兼半日晴莫以艱辛忘抱負休將溫飽累平生
車中信意添吟稿那待裁箋句始成

旅店感懷

征途迢遞赴名場北去風雲送雁行出處未知矜小節
遠遊何以慰高堂心存退步方能進學到柔時卽至剛
歷盡崎嶇增壯志不須惆悵在他鄉

途中自誠兼示三弟

白日去堂堂春光倏將暮少壯有幾時努力方無誤緊
予兩昆季劬勞此行路所志在遠大兢兢守吾素擾攘
風塵中光陰每虛度偶然人情障一錯幾堪鑄君子貴
保身秉彝全所賦世途任波靡寸心金石固不有堅忍
操靈臺常蔽錮不有超邁姿冥頑鮮覺悟淑躬等圭璧
浮華豈可務雖在造次間天君善保護情偽日以消神
明日以裕勵我進修基卽是乘時具相期奮天衢共展
凌雲步豈無韋布士榮名旦暮遇窮通縱有定德業先
建樹人生天地間腠根須立住何以迨斯境曰戒愼恐
懼

平原道上遇雨

青天黯黯雲沈沈，風狂似虎初出林。
長空怒吼挾雨過，陽和一霎偏蕭森。
三更雨止風未止，柝聲寒逼征人起。
起時鄉夢記分明，別離無奈重行行。
車中偃蹇不成寐，但聞千樹萬樹盡作寒濤鳴。
天公冷暖尙無定，狂儒那用咄咄嗟世情。

富莊驛店壁見有浣花溪女詩感賦

清吟想見貌娟娟，海上髯公竟有緣。

用原詩意

始信錦江春

色富才華新續薛濤箋

古意

明月照交河郎心清似水相思復相望盈盈隔千里春
色惱橫塘妾病守空房多情復多恨迢迢辭故鄉
階畔丁香花開作同心結結住蕩子心不願生離別戶
外相思樹化爲連理枝枝枝堪折取莫待花落時

入都門口占

六載驅車地春風今又來綠楊環近郭紅藥豔重臺舊
徑渾難識離愁撥不開觚稜翹首望雲氣鬱蓬萊

卽事

離家九度月圓時草草勞人只自知塵市於今難插脚
名場到此竟揚眉冰花滿逕迷車轍雪影穿簾凍酒卮

多恐寒梅應笑我夜深不下讀書帷

庚子三月十五夜闌中和邊棣園

鍾鄂

同年詩元

韻

彈指春風又一年不才敢望受人憐蓬山未到真難卜

瑣院重逢自有緣

去冬考試學正余曾與棣園同號舍

尺幅書成文戰捷

千鈞鍊就筆鋒圓何時同步天衢上得意看花快著鞭

壯心鬱鬱感華年遇合無憑漫乞憐敢說功名歸氣數

要將文字結因緣卿雲翹首三霄近皓月驚心七度圓

我本驚駘還自奮孫陽可許策先鞭

送鄭藹人

延錦

同年之官閩中卽題西窗語雨圖

我來長安道風塵苦僕僕所見半熟客相逢炫衣襖自
遇鄭當時久交意彌篤去歲甫識面豪情遂我欲卜居
喜相近劇談常翦燭有時論今古高瞻還遠矚有時發
箴規善道兼忠告有時入肆沽共醉中山醪有時斫地
歌同譚陽春曲目耕詩一卷手談棋幾局餘事善相人
技許九方續策我入雲程秋風健鴻鵠過從屢晨夕咳
唾皆珠玉笑彼炎涼態登場何局促君本詩禮裔涑水
緬芳躅家學紹沅陵賢聲著巴蜀偶遭宦海波壯士不
爲辱願展百里才天衢奮驥驟長安偕作客邂逅願已
足今春兩罷魁名謝千佛錄君如社後燕我似蘭中蠟

送君赴山左

令姪爲
淄川令

衙齋暑應潺遙知佐小阮冤洗北

海獄况有袁愍孫夜窗書自督歸來復相見快傾杯中

渌聚散忽靡常予懷倍悵觸君去理簿書遠泛聞江綠

從茲播德政撫綏懲炎酷蔀屋窮簷間含和比朝旭清

節繼選錢榮名標樹繇以君超邁姿彈冠慶相屬愧我

滯燕市未解宴安毒竭蹶類鶩駘不鳴受羈絏流光日

以逝俯仰天爲跼良友難再覩行藏鮮所勗披圖感深

意素交屏華縟座陳塵尾柄筵却龍鬚禱落落畫中人

高風想顏歆令我熱惱胷如以冰雪沃何時重把酒園

蔬手自刷遇合渺無定出卜擬握栗君行不可留長歌

錫一束

辛丑閏三月二十五日偕何地山

廷謙

出都孫沛

農

家鐸

振之

家鐸

於小有餘芳餞別

長安小住忽三年惆悵臨歧懶著鞭
燕壘猶存花事寂隔簾空鎖綠楊烟

去年君亦塵中客

謂振之

今日偏爲送別人莫道瀛洲仙

路遠再來應許出迷津

狸奴斃於車下詩以哀之

貫魚方待聘

潮行已許贈胡荅年
奴子不察復載之行

投鼠倏無功命畢雙

輪下心淒一夢中餘腥驚野馬殘血飽沙蟲
頌佛翻羅

却憑誰訴碧翁

夜行卽景

繁星照地夜未央
浮雲掃盡天蒼蒼
樹陰如墨風不颺
繁星照地夜未央
浮雲掃盡天蒼蒼
樹陰如墨風不颺
麥畦雨過生微涼
兩驂並駕分雁行
驚駘亦復思騰驤
鈴聲幾隊何郎當
車中側耳心徬徨
有時忽覺清詩腸
一蛙閣閣鳴道旁

任邱晤邊棣園

昔時兩度契苔岑
競仰高門世澤深
餘韻至今留舊作

棟園以其先人知交與我共升沈
燕南此日愁分襁
冀

北明年仵盍簪
報道鼠姑花已謝
棣園云園中牡丹已謝
令人那

不動鄉心

早發河間

野花鋪地白于雪
高柳隔溪青過門
殘月未收天已曙
風吹霽色澹平原

苦塵

古今一塵海萬物皆牢籠
矧茲苦行役浩蕩驚飛蓬
自古至今一塵海萬物皆牢籠
矧茲苦行役浩蕩驚飛蓬
從住京洛勞勞踏軟紅俗哉三斗塵
祗濯恥無功吹垢夢非真
泥塗傷道窮駕此薄笨車
擾攘風塵中狂飈挾以至
面目爲之蒙鼻觀掩吾嗅耳垣
塞吾聰聲噤色亦沮
僕馬將毋同青衫日黯淡
溜湮淪素衷直將恒河沙

歛揚困藐躬况復屆長羸蘊隆方蟲蟲人生懼埋沒清
白盟初終方寸淨無滓塊壘胥消融皎皎安可污卓立
筋骸充萬里謝塵氛破浪乘長風誰知伏草萊披襟氣
不雄眾濁弗能避煩囂每相攻何時得雲雨變化騰蛟
龍奮我出塵姿一洗埃壒空

德州道上

忽驚鄉夢醒行色黯深宵沙軟輪如水舟平纜作橋疲
羸鞭不起癡僕語偏驕擁被添吟興渾忘歸路遙
已是清和節風來尙怯寒塵居窺屋漏酸味品牢丸室
笑三椽隘飢憐一飽難酒家行處有去去憶長安

恩縣

賣茶聲裏駐鳴鑣
水繞荒城驛路遙
赤日當空風色緊
青蘆萬葉戰蕭蕭

舊縣卽事

世路何險巇行行復止止
坦途有危機愚者昧其理
夜來入山徑崎嶇數十里
不聞車磷磷但聽石齒齒
夾道沙壁立一綫僅容軌
局促轅下駒偃蹇何能駛
車中獨危坐心在愁城裏
僕夫悍不顧袖手握鞭箠
四山風葉號曉色辨行李
安步出坎壈夷然險可履
方幸亨衢通載歌周道砥
胡爲竟覆轍平地風波起
控縱失所宜馳

三知軒詩鈔卷二

七

驅安足恃雙輪偃向天繆結不如此愧無挾輶勇尙有
超乘技遇危而得安且懼亦且喜因之悟處境晏安最
可恥禍福相倚伏其間瞬息耳誰謂平不陂唯心足轉
徙惡勞與喜逸滔滔者皆是

戲作

郵亭寂寞易成眠擾擾紅塵此息肩夢醒猶疑身是蝶
夜來飛上四條絃

銀沙千頃泗橋灣東魯名區數往還孤客一鞭行得得
夕陽西下萬重山

沙岸膏腴地不荒行人來往說豐穰萬畦濃碧齊抽穗

野鳥聲聲叫麥黃

嶧山湖晚眺

金隄如帶界中央
滾滾寒波下嶧陽
萬斛濤聲喧兩廂
一天雲影鎖千檣
舟來吳會江流遠
水灌漕河地脈長
西望明湖三百里
遙山斜矗晚烟蒼

雨中過柳泉茅村

亂山叢石路橫斜
行到荒村駐客車
白雨千絲紅一點
隔牆初放石榴花

野塘風景足流連
不讓江南四月天
水荇有花蘆葉嫩
麥畦低漾綠田田

渡黃河

彈指勞生廿載過彭城五度記臨河
雲山鬱鬱開雄壑歲月滔滔感逝波
路隔蓬瀛空企望氣吞湖海漫消磨
星狼指日妖氛靖願把銀濤洗甲戈

岳武穆王廟

桃山驛

天心未許到黃龍孤負將軍百戰功
父子一門堅義勇江山半壁限英雄
班書有詔冤三字和議無人念兩宮
千古傷心齊下淚官家憤憤失精忠

西泠湖畔謁忠墳十七年前想舊聞
奸檣北來能蔽日貞松南向獨蟠雲
滅金未遂元戎志鑄鐵曾消海寇軍

今日桃山重展拜中興事業感紛紛

買舟固鎮

纔息輪蹄苦停車又挂帆微風雙槳漂落日半桅銜山
遠螺如點波平鏡不函推篷看新月涼意透征衫

舟行賦長句

滄河兩月雨不止雨聲怒挾濤聲起春風一夜漲桃花
銀浪排空百餘里邇來雨止水未殺村墟半沒洪波裏
黃雲倒漾麥無秋魚梁上隴舟人喜我今買舟河之濱
臨流一洗車中塵剗木如甕不開牖傍桅高坐渴飲醕
俯視阡陌入巨浸災滂所在悲鳩民此時東粵夷氛煽

血染珠江濤不練辛豐山下羽書飛符離浦外奔如電
直須一戰息鯨波風驅雲捲揮天戈礮火無光賊膽落
虎門勁旅擒么麼書生潦倒困燕市紅塵十丈皆坎軻
憂國憂民抱虛願依然返棹淮與渦南望滄溟北望關
羞向江湖歌散髮對此茫茫感百端欹枕臥看天上月

晚泊雙河

打頭風正急黃月又銜山烏鬼傍舟宿漁童收網還村
墟迷遠市星火澹前灣散步河汀上聲聲蜩笛閒

阻風

離鄉二百里失計在登舟人不如宗慤風偏似石尤功

名慙化鯉心迹愧閒鷗登岸茫無路萍蹤悔浪遊

題琴士師泛海圖

先生古叔度汪汪千頃波清心鑒於水十載遊淮渦書
聲洽琴韻酒膽驅詩魔有時發長嘯拔劍斫地歌別來
倏四秋塵海同消磨先生賦招隱八公山之阿賤子入
京洛歲逢豕渡河兩遇引回風依然春夢婆蓬瀛遠莫
到鰈屈嗟坎軻滔滔日以逝瞥眼流光過歸家展尺素
筆墨難縷覲此圖契我心浩然起長哦憶昨僦道院星
使門可羅

寓都中國通觀與林殿撰鴻
年比鄰殿撰曾出使琉球

中懸海外書濡

染成壁窠

有長風萬里扁
額中山王所書

爲言禮教邦效順擬趙佗風

濤不知險靈佑紀白螺詎意島間夷蠢動如么麼我
皇奮智勇決策誅媿嬰星狼避弧矢壯矣元老番濁浪
息鯨鯢滄溟收蛟鼉膚功在指顧奏凱鏘鳴珂海天自
清冥胡爲依澗藹丈夫願投筆落落心無他一息逾萬
里勇往休蹉跎望洋而卻步踟躕終如何翹首瀛海東
神仙安樂窩移情伴成連絃誦揚天和醉傾瓊島漿赤
松顏爲酡直隨釣鰲客臨流披烟簑笑彼塵中人紛紛
笏與韉

感興十八首用張船山先生寶雞題壁韻

書空咄咄恨難平憂患無人審重輕國有漏卮客外寇

天開劫運阨蒼生衣冠北闕晨披牘烽火南天夜結營
太息庸臣常縱敵海濱小醜竟橫行

番舶交馳賊膽麤暗將鴆毒釀兵符通洋處處來奸賈
陳戒紛紛笑腐儒呼吸已催生氣盡侵牟能免殺機無
汨汨共切淪胥痛官懦民貧地脈枯

利藪潛移水府錢網疎禁池嘅徒然森嚴獨議三條律
飢渴誰忘一炷烟臣矢孤忠防積蠹世譏新法比聞鵬
漢風未去開邊釁糜餉勞師已二年

鯨波東注逼軍門血染前山細柳屯守土人亡張賊勢
登陴兵散負天恩幕邊巢燕嗟無壘井底鳴蛙妄自尊

大纛高牙方坐擁可知猿鶴劇銷魂

獻俘斬馘尙從寬釀酒椎牛樂晏安專闢有權甘坐視
援師無力痛旁觀狐疑但覺紆籌苦狼狽應知決勝難
袖手不談兵旅事逍遙且自散鄉團

陰謀構隙信夷文鬼蜮奸私善沮軍柳口烽烟迷壁壘
蘆溝星騎駭傳聞牲牢助餉人忘寇礮火收芒石免焚
不見羊城舊開府排空戰艦密如雲

聲威空自懾遐荒辛苦黃梁夢一場事業半途同覆鹿
功名末路類羝羊升沈此際餘忠憤清濁何人代激揚
兔狡狼貪欣得計摩挲長劍歎無鋒

攻守於今勢不同可憐一炬罪興戎從來丞相持和議
自古貪夫喜冒功蠻觸有時陽納款鴟張何事許交通
爪牙心旅全無濟鎖鑰教人念寇公

雪偃貔貅夜泣麟元戎翻覺是閒身虎牢近日誰增戍
羊舌當年獨賀貧戈戟沈埋疲戰旅苞苴來往匿奸民
漢家計笑和親拙誤把安危託婦人

飄瞥炎氛煽廣州將軍無骨可封侯粘天霹靂災戎馬
捲地波濤失斗牛貂錦紛紛新戰鬼蟲沙隊隊舊防秋
輿區竟落夷人手五嶺頻添意外憂

承平啟瑞頌囊珠縱有機槍掃自無天上牙璋下衡岳

二失事詩集卷二
軍中鼓角震巴巫重臣轉餉心應細老將談兵氣不麤
褒鄂英名歸節制運籌何以靖南都

越東近已戍烟消併力番州意轉驕割地我曾拋險隘
老師寇不患迢遙功高斬國金山役膽落曹營赤壁燒
誰料兵多偏畏敵弓刀影裏太蕭條

萬隴成墟冷麥胎花田烽火逐人來出師告捷傷先倍
入寇求和事可猜轍覆前車原易鑒變生後路莫輕開
披猖祇爲錐刀利克復端應恃將材

朝廷飛詔責殲渠豈有孫吳昧疾徐賞罰朦朧驕縱後
士民哀惋喪亡餘黃金卽許權宜用白骨誰能借力噓

助虐兇頑真叵測乞恩便欲緩驅除

么麼那解戴恩施義勇雖堅孰護持千古戎貪同一概
兩軍血戰未全遲敢云兵退初無詐忍道城孤不可爲
地勢民情終懵懂此中成敗少人知

軍書絡繹赴皇州烟柳無情鎖驛樓萬里驚塵咸避突
數行疲馬盡馱愁道旁引領歌三捷河上傳聞詠二矛
鷺堠烏亭黯行色幾人投筆壯南遊

荼火安能免劫灰傷心徵調幾時回軍分水陸難相倚
夢入刀鐔或浪猜生羨龍韜舒偉績死憐馬革裹雄才
秋風轉瞬催砧杵萬疊霜衣雁送來

憂國憂民論短長妖星徑欲射天狼要知忠義非奇行
漫說干戈在異鄉勇奮揮鞭平島嶼圖成聚米出書倉
銷兵盡寫歸農樂重賦東山古鹿場

追和鮑覺生太夫子壬午遊吳興二律

愧與郊祁匹同登海淩舟

公之胞姪康庠與濬頤同舉
己亥京兆試放榜後御園

覆試三秋延後進廿載溯先猷權泛鷗波活香分麝月幽
公至吳興賜
濬頤佳壘高山今已泐詩卷願長留

昔記趨庭日曾瞻玉立身碧崖登處迴奇石訪來頻

公遊

道揚山訪松
雪三品石

齒並桐孫茁

公孫伯荀茂才
與濬頤同庚

花攀桂樹新

湖山經別後誰和侍中蘋

對雨漫歌

去年夏苦雨今年夏苦晴晴雨境既殊對之百感生迴
思遠遊日僦居長安城道院地卑濕莓苔青盈盈寒往
暑又來石燕飛空鳴一雨不能止羲馭韜陽精屋漏笑
牀牀無地支茶鎗堂坳積污水芥舟居然橫出門輒陷
淖車馬不得行側問淀津外海波咭長鯨我師戰甲濡
礮火全無聲越東彈丸區列艦皆夷兵雷霆發震怒天
地爲喧轟苦雨復苦寇慨然思長纓雲黯黃金臺遊子
難爲情竭來返茅屋枯坐開書櫥時序倏如昨俯仰年
華驚異地判炎涼附熱愁青蠅軍書日旁午目極天南

營散步入田里閔此蚩蚩氓
嗒者不知蔭揮汗猶躬耕
二麥雖有秋禾黍方芽萌
不有霖雨降何以歌西成
天公愛吾鄉肅又分滋榮
慰我望澤思穠膏沛太清
暑多易以溽雨至忘三庚
旱魃匿無影爽氣先秋迎
溶溶起山帶漠漠侵簾旌
披襟晚涼納殘滴喧瓜棚
仰看新月光皎潔消欃槍
洗戈會有期蝸角除蠻爭
毛錐安足用寸鐵偏錚錚
風雲杳難際清淺迷蓬瀛
獨立感蒼茫誰與鳴不平

迎秋詞

黃靈已罷雲翹舞金鸛又擊迎神鼓
嵩山石碎猿狖啼

杵聲催老梧桐雨魚龍有夜江海靜月殿新標廣寒府
風颼瑟瑟謝朱律幸輓那許鳴玉虎仰瞻青丙招搖西
案戶漸覺繩河低石湖賀詩歐九賦秋士羅列分箋題
南陸餞夏四庚過羲皇不敢北窗臥寒蟬一聲枝上咽
流螢萬點衣邊坐赤騣迴馭丹鳥來旌旗如雪雲中開
玉皇下詔白帝回爲築千萬招涼臺暮收整轡聞闔閭
祁連灑道無點埃六壬六甲安在哉跨鶴仙人離蓬萊
洪崖醉倒椒花杯

懷人詩十首

落落雲霞氣疎狂獨許親巴江迴噩夢燕市絆吟身辛

苦卅年事艱難百里人荔枝樓上客聽鼓又蕭辰

鄭謫人

十載長安道登雲仰士龍笑談成夙契寥落愧重逢氣

共秋霜肅情偏舊雨濃至今懷漸陸遇合有奇蹤

陸稼堂

有道風流渺斯人一見之嘯歌非俗韻爛漫是吾師名

已鳳樓讓

孟寅以吉士改官秋曹令弟兩三旋干戊戌入詞垣

心應鳩士知白雲

千里外何以慰相思

郭孟寅

論交師友重兩度感齊年似我前途滯輪君一著先

存

新捷南宮

升沈羞俗態車笠締新緣幽絕山中桂還招閭院

仙趙岵存

黃葉下桑乾羈人夢未闌庭闌勞盼望花月莫盤桓別

後書會寄歸來鉞願彈微名應不戀珍重理秋鞍

李俾甫

歐公門下士藻采孰如君有弟窺東觀

也魯之弟研農戊戌翰林

多

才冠一軍烏絲洒墨雨紅袖擁朝雲料得園橋地新除

鄭廣文

沈也魯

共此天涯客無緣入紫微

小亭與余同取中書均未錄用

偶傳流水調

隨意理金徽

小亭愛鼓琴

月滿紅橋路

已返邗上

秋生白板扉

頭誰足冠豔說謝元暉

鍾小亭記名中書桂林龍翰臣旋得大魁故末句及之

同居十三世雍睦邁前賢人笑霜毫秃儂知傲骨堅諸

公方袞袞大阮復翩翩

謂彼譜侍講

寄語君休悔占豐有硯

田張正卿

罷入芙蓉幕來遊孤竹城一官甘冷落相對話親情上
谷行何速參軍髯已生但舒囊底智矮屋亦功名

宣仲華

竹西歌吹夜龔北管絃秋不信佳公子長爲汗漫遊風
雲虛壯志花柳破閒愁回首禪關月

已亥秋試余與心泉同寓普濟庵

真如水上漚

趙心泉

草堂偶成

衡茅伴我十三年南北勞勞此息肩春夢兩驚燕市月
秋江四上秣陵船名低不敢誇千佛官冷依然守一瓊
回首長安衆仙侶筆花新吐鳳樓前

倚天長劍匣中鳴野鶴閒雲肯繫情塵市須防平地險

流泉還望出山清
目窮霄漢心懸切
寒到風霜骨鍊成
閉戶長吟忘永晝
小窗閒聽讀書聲

七月初四日暴雨

雷車驟鼓雲旗翻
電光亂掣金蛇奔
秋陽匿影凍雨至
長空倒瀉如傾盆
神龍揚鬚勢欲下
四野墨墨天爲昏
孤松偃仰動鱗甲
風聲撼屋人聲喧
初如沙場吼金鐵
千騎不向營前屯
又如馮夷忽震怒
萬頃滂湃洪濤掀
今夏陽雨本時若
原隰彌望禾苗繁
胡爲入秋雨獨盛
飄泊苦念沿江村
傳聞瓠子起秋漲
危隄難挽流沙渾
大河安瀾亦已久
此雨恐助鯨波噴
安得移向海濱去

炎氛淨掃清乾坤
雨窗兀坐發深喟
滿胸抑塞誰與論
禁愁旣無蜀酒醉
茅屋何計開芳樽
雨師仰祝願稍霽
月窟湧出青天根

感夢

古今人世一夢境
富貴榮華祇俄頃
若教常作夢中看
盡屬泡光與幻影
真者似夢夢者眞
是眞是夢難分明
黃梁一枕須臾耳
大地強半皆盧生
吁嗟乎未來之事
果如夢造物何心
甘播弄夢中之事
果未來世人何苦
百念灰翻然一笑
幾絕倒有夢爭如
無夢好君不見信
天翁獨了了

七夕有乞巧之說詩以嘲之

智愚靈蠢生於天清濁二氣相幹旋洪爐鼓鑄有頑鈍
造物至此恒無權化拙爲巧意雖厚鑿死渾沌嗟徒然
乞之上帝帝不應椎魯那得重陶甄乞之神聖神聖往
聾聵未必手一編庸人庸福若傲倖窮通早定於生前
百事可乞巧難乞不如守拙安塵緣兒童婦女冥不悟
七夕乞巧開華筵文人遊戲每附會此風千古常流傳
我知黃姑對之啞然笑紛紛俗子殊可憐巧如可乞天
孫何至猶償錢金梭絲網偶然事安得靈泉萬斛酒向
神洲邊

七日雨

天孫一掬淚釀作千絲雨豈無曬書人便便腹空鼓銀
灣水淺鵲不飛百子池頭歌管稀昨日洗車今已歸歸
期未久別離至玉女披衣黯空翠

代題

仲父靜好圖

詩人揚挖重倫紀歷卷獨首關雎篇乾坤易象共此義
風化肇自房中絃後來琴瑟誇靜好雞鳴戒旦洵乎賢
吾宗奕葉盛治水訥安孝友古君子令妻今之孟德曜
百年偕老田園裏斯人斯圖兩足重行藏暗合風詩旨
要知唯靜葆天真至性先從本原起子舍當日和且愉

唱隨能令堂上娛持家共仰勤儉俱昆季娣姒偕匡扶
一門雍睦足楷模靜中永保神明固和氣化作三珠樹
卽今二難皆出羣孫枝已擅龍文譽蕃釐茂祉方無涯
期頤散佩揚其華君獨怡然守田舍抱負不在伯鸞下
霸陵山上一曲琴舉案高風真醞藉階畔青棠樹對之
可忘憂戶外碧畦秧快此稻梁謀笙歌鍾鼎那足羨靜
好直與前賢侔我攬此圖媿奔走年來風雪飢驅久何
時長作田間叟家有琴兮尊有酒但得歸而謀諸婦一
觴一詠不離口未知髣髴此圖否

憶舊遊四首

余生甫六齡迢迢去鄉縣維舟下菰城趨庭弗敢倦彈
指五年中流光迅如箭衙齋頗不俗天香滿層院終日
學呶唔危坐常開卷郭外清遠區高低兩葱蒨幽芬懷
白蘋奇景識蒼弁玉湖月一彎金蓋雲千片春秋恣遊
眺童心每歡忭更有笠澤濤銀海爲之眩棹歌浩無涯
展齒涉未徧別來十餘載湖山慳一面小字署飲茗聊
以誌眷戀

歲在乙酉秋辭郡赴餘杭宦海險如此婉言慰高堂聚
首不兩月暨游雲水鄉步出萬松嶺夾道盤青蒼一葉
泛西泠潭影澄秋光買魚汲湖水先爲慈母嘗鐘聲下

界聞天半禮雲房南高與北高厯厯何能忘離愁繫六
橋風色澹疎楊雖無紀遊詩亦覺情徜徉歸帆及秋暮
飽看紅葉霜

還家倏三載讀書念青紫兒時博一衿重閱顧之喜秋
風四度來停舟白門裏蒼蒼鍾阜山湫湫秦淮水靄靄
謝公墩依依長千里名場縛此身游興不敢起孤負好
山川拘墟如俗子微倖獲微名誰甘半途止背城復無
勇落拓乃至此淒涼桃葉渡愁雲黯行李投鞭斷江流
去去長安市

昔時赴京洛朔風何凜冽

辛卯十月

前歲記重遊春光柳條

洩己亥二月文望愧機雲離懷同蘊結驚駘偶一鳴官冷不
附熱驅車日下過觚棱耀晴雪神皋氣蔥蔥巖壑四圍
列臨風鏘玉珂萬馬黃金埒我來冠蓋地自笑生涯拙
城南尺五天池臺最清絕棗花與龍樹琳宮地幽潔壺
觴滌鄉心朋簪助談屑歲月半銷磨碌碌輪蹄鐵流寓
慨三遷中途雁行別黃葉逐雲飛蟬聲林外咽今春屢
困頓抑鬱那堪說蜚英而騰茂羨彼詞壇傑南望督亢
坡遊子歸思切蕭然出薊門再來忘故轍

漫詠

獨向筵前擊唾壺秋風秋雨莽平蕪邊庭萬里相如檄

江岸千家鄭俠圖
議撫新聞撒烽火
凌寒空見長菰蘆
出山小草紛紛茂
一例逢時說苑枯

六月初四日閬耶鈔作

天意清炎海靈威翊
聖朝重洋破番舶
一怒降神颶
霹靂聲同震鯨鯢
氣不驕風雷能盪寇
那用霍驃姚

得林鎮夫舍人寄書有感

動我京華夢勞勞
十丈塵官卑原易補
地冷不嫌貧
湖海平生志風雲未了因
蘆溝明歲月有意照離人
紫澥靜波濤羊城土馬豪
丹心籌雨露白骨病泉刀
山有金銀氣人懷冰雪操
重農思漢代千古首同搔

秋夜獨坐

蟲聲亂如雨淒淒撼四壁繁星照地明雲稀頓開羃獨
坐不聞喧深宵萬緣寂願與古爲徒塵心靜中滌展卷
屏睡魔渾忘漏三滴迴念秉燭遊萍蹤渺難覓光陰一
過客令我思夕惕

喜晴

一雨綿綿久逢庚信有靈魚跳新水活松長斷枝青打
劫棋爭試澆愁酒半醒曉風殘月路那用唱淋鈴

醉後戲作

世人患醉我患醒醒時局促難忘形世人願醒我願醉

醉中歌嘯總如意不飲不醉殊難支愁城萬疊何嶮巖
譬如明鏡照魑魅令我瞠目嗟離奇但得一醉空千古
滿腔鬱塞快傾吐不然膏肓入醉鄉胸無塵障真徜徉
憤憤有時勝了了堅臥不受俗氛擾願學劉伶薄灌夫
酒德至今知者少

代題梅鶴小照

高風千載說林逋笑指孤山興不孤和到霜中如我做
尋來月下伴人癯滿窗疎影閒魚漏一院清聲敵鳳雛
花鳥有情皆眷屬水邊籬落快披圖

言志二首

不遇公輸子松柏淪蒿萊不逢九方臯騏驎混駑駘縱
觀宇宙內何地無棄材牙曠世所希孤高羞自媒時命
不可知誰能測將來前路何茫茫苦被流光催

登山喜其高臨淵羨其深高深亦常境此理堪研尋積
累在寸銖愛古休薄今糟粕弗吐棄那異書中蟬不見
釀蜜蜂穿遍百花林觀物復觀我悠然起遐心

題羅遜齋表叔知白圖

從來化工幾與畫工等高卑猶自分元黃牢籠萬物入
雕繪太素一變皆文章卽空卽色發妙悟禪機儒理非
荒唐獨有靈臺淨無滓其中空洞不使塵翳生毫芒水

精爲域玉壺朗冰雪皎皎聰明藏白兮白兮柱史之言
可節取以黑亂白吾能防墨守者拙冥心者狂朱紫與
文繡終日神皇皇何如天君淡定化其迹瑩然坐照形
爲康我覽此圖不能著一字尺幅相對情徜徉但願先
生攜入雲海最深處青山與予歌偕臧

秋燐怨

海天八月燐火飛似聞鬼哭聲歔歔陰光慘淡聚寒碧
幽壑照見鯨鯢肥夜深白骨忽人立啾啾競向鮫宮泣
怨氣衝霄牛斗驚野老聞之獨於邑死者何怨怨生者
萬腔熱血沙場灑不見刀鐔得意人秋風快上桃花馬

吁嗟乎將軍帷幄懶運籌貌似女子非留侯豺狼吐氣
猿鶴羞樓蘭誰斬單于頭澶淵議和豈善謀黃金如土
濁水投魂魄爲厲恨不休義士捐軀良得所耿耿丹心
耀千古歎彼偷生瞬息間不若早登點鬼簿南去滄溟
咽逝波淒涼爲鵲更爲鵝可憐今夜花田月猶似當年
無定河

中秋

去年今夜踏天街萬里清光淨若揩讓我秋風留韻事
悞儂明月照離懷茫茫猶憶花成幄淅淅偏聞雨滴階
贏得團欒話雞黍更闌獨坐檢詩牌



二知軒詩鈔卷三

定遠方濬頤子箴

古今體詩一百八十四首

辛丑八月二十五日
至十月二十七日

出門口號

還鄉四度月圓時
覓理秋裝又別離
我有新詩壯行篋

梅花香裏訂歸期

行李蕭然賦遠征
勞勞冠蓋怯逢迎
此心願比長淮水

流入邗溝一樣清

擬先往邗上

曉行

寒風吹獵獵東去
別鄉關曉日澹平野
白雲生遠山千

畦村外淨一水渡頭灣蟲語淒如此荒阡斷陌間

聞道

聞道防秋誤洪流溢汴京竭來謀治水況復未休兵遣
調江淮急烽煙島嶼驚閩中憂不細無策愧書生

卽景

穠穠連雲望裏收麥苗如薺吐平疇秋山亂石紛無數
不遇生公漫點頭

輿中作

雞聲枕上催擁衾氣爲奪草草入籃輿眼界頓清豁雲
淡雨絲稀霞光天半抹一夜灑廉纖瘦露山態活虹橋

自西亘高連紫微闔風來冷詩思枯腸苦摻括默默屢
沉吟不聞林鳥聒

鳳陽郭外

縱橫石柱表荒原勝國遺墟今尙存寒蝶伶俜如燕子
秋來渾忘舊巢痕

九華山色自清幽煙鎖淮南八月秋最是危樓歛一角
綠雲紅樹不勝愁

雨中與李倬甫孫飲生振之昆季夜話

但得故人至那愁風雨來今宵頻剪燭明日快銜杯

倬甫

約明日
小飲

蠟屐休嫌滑青衣未許催孫郎更超絕不露宰

官才

贈孫振之

記得相逢十載前

辛卯四月余在鍾離與振之初識面

長安聚首又經年

羨君有意師王渙愧我無才比鄭虔清望高瞻彭蠡月

振之將之官江右

浪遊空上廣陵船

余方有邢上之遊

臨風忽起升沉

感猶似城南尺五天

弟兄中外著聲華當代機雲信足誇麟族專司超鳳閣

謂令兄沛農

鳬飛新許踏龍沙功名此際題雙塔經濟由來

出五車慙說駑駘曾附驥可容問字學侯芭

傲骨崢嶸我不如佗看清白頌懸魚要知錯節盤根日

那異登車攬轡初江岸好尋仙尉迹杜陵還望故人書
濠梁分手情無限獨向秋郊詠散樗

雨後出郭渡河

長空初見雁來賓催起卽須喚渡人山遠雲籠青靄靄
瀾低風皺碧鱗鱗秋因水國難開霽天爲戎行竟洗塵
郡中調兵赴浙獨客中流歌自在唱酬誰與扣船脣

征人曲

風前檢點舊兜鍪刀劍甘心賣犢牛傳語前山眾鄉里
軍符昨夜下濠洲

黃泥鋪前雨霏霏紅心驛裏夢依依青蚨壓腰共飛去

不愛原頭秋馬肥

雨霽

碧落黯黯雲爲匳魚鱗萬疊空中黏忽然倒挂青山尖
一綫湧出晨光暹村店何心戀黑甜山程水驛無郵籤
遊子那願道途淹伊人秋水歌蒼蒹相期共飲菊花帘
紅橋醉踏白玉蟾清吟絡繹奚囊添

途中口占

行行陂陀間途中失鬼業天公忽放晴晦明爭一霎畏
此秋陽暴輿中解綿紱試看道旁人眼勉不知乏腰鎌
刈晚稻黃雲兩肩壓高原叱耕犢荒隴尋放鴈蔭暍快

當風披襟勝揮箠誰不憚勞苦須思平等法

惆悵

惆悵鍾離道哀鴻自北來
決河悲瓠子止水憶蘆灰
民瘼誰蘇困天心未弭災
棗林閒縱目無語重低徊

池陽感舊

乙未秋季謁

卓單兩座主於此

筍輿得得秋風裏夕陽古道平
如砥鄉國重來已七年
一別龍門數千里蜀江漢水昭清望
名垂綸閣金坡上
記得當時拜使車感恩知己何能忘
自從策馬薊門關
絳帳情深獨往還
霽月光風都照遍
不教桃李閤空山
梨園奏曲宴文昌
蓬島開筵喜近光

翰林花園
有近光樓

幸博微

名慰夫子天衢有路最騰驤騰驤本乏空羣目毛羽不
豐飛者伏頭銜聊自署槐廳書劍依然返茅屋邇來再
踏路庚庚極目雲天無限情卿月迥懸雙鳳闕使星寒
耀五羊城

海帆師參知政事
地山師視學粵東

羊城鳳闕渺難見離思蒼

茫秋一片結綠青萍雨不如深悔從前逢薛卞烟迷土
鏗日西沉抽筆閒題感舊吟橋下風波猶似昔高山仰
止動遐心

磨盤山

羊腸幾曲認依稀匝崇岡繚四圍山走龍蛇蟠地脈
風驅草木厲兵威雲邊杳靄遮紅旭天半迷離冷翠微

路入梁村倍蕭瑟漫空黃葉乍紛飛

遣興

雙鳳凰何在珠龍龍已潛

雙鳳珠龍二橋名

徒令有心人弔古

空遐瞻紅葉嶺烟媚玉河波影纖青蟲學蟬鳴響咽萬
山尖凌寒噤難語口爲酸風箝

過清流關見鄉兵赴浙

裏瓊荷戟正紛紛淮潁重移海上軍東越樓船新戰伐
南唐壁壘舊風雲安危此日籌邊切茶墨何人望氣分
願祝神祇清殺運饒歌歸去壯榆枌

雄關吳楚共嶙峋貌虎星馳斬棘榛邊患於今無善策

遠遊猶我是閒身
參戎誰擅鹿門智
糜餉偏貽雁戶貧
休向行人說暉鳳
海臺南望起煙塵

時事

時事竟如此英雄喚奈何
八閩方縱敵孤島又興波
白羽軍書亂紅羊戰劫多
征人同墮淚偃蹇下寒坡

滁州道上

九度環滁山不識
琅琊道西南偶高矚
蒼烟插晴昊此
中巖壑真蔚然
梅花香映太守泉
醉翁仙去亦已久
風流異代思前賢
我來行踪笑勿勿
探奇無暇窮崑崙
西澗波深野草荒
不見詩人韋應物
會看江上賦歸來
扶

筇徑過寒雲隈石間試訪釀泉址亭畔一問歐公梅前
途風景知何處苦吟定獲江山助且向烏衣挂帆去

烏衣巷歌

烏衣古巷多狹斜脩眉皓齒顏如花朝朝暮暮纏頭慣
背人揮淚彈琵琶自言本是幽閨女生長尋常百姓家
家住京江前開門見蒼葭十年九漉潦高下俱成窪猛
虎之患勝龍蛇催租小吏來官衙耶孃賣女免逋累風
塵永墮空咨嗟嗚呼既不能如青溪舊院之繁華又不
能如長安韋曲之豪奢賣歌度日願已足誰爲鶯燕開
籠箴君不見西秦大賈流金駟酣然昵飲春風賒豈知

紅樓一一盡怨女譬彼英雄失路屠釣皆生涯宰官撫
字果周浹情田禮義生萌芽我知四境不歌溱洧歌無
邪昂頭擲筆三太息謝公挾妓何足誇

苦風吟

日昨走曠野飛廉何猖狂寒氣四無蔽噴欲猶可當今
茲入舟中眇然深如房自謂遠風威乘醉遊睡鄉中夜
忽驚寤瑟縮寒且僵篷窗亦已閉一綫來何方鑽隙勢
同賊砭肌疑刺芒鋒鏑可明避暗箭殊難防霜嚴與雪
虐那及箕伯強況復遇偏師柔者可摧剛豈止粟生膚
居然冷肺腸忍寒尙推敲騷壇旗幟張天公畏酸氣頃

刻懸秋陽大塊不必吹助我成文章

枕上

入夜舟行急詩情枕上諧潮來清客夢蟲語澹秋懷想
像烏三匝洞旋水一涯遙知小兒女煨栗向庭階

六合

長堤低與大河平水漲龍池草不萌回首靈巖山色晚
蘆花風裏過棠城

晚眺

一鷺衝波淡欲無幾灣秋色老菰蘆天描遠黛爲屏幃
水繪斜陽作畫圖高下盡隨風向背東西不辨浪盤紆

晚來瓜步山前泊村舍荒涼莫問租

瓜步曉泛

屢屢望不極迢遞翠煙凝山色連天淨雲光帶水潏帆
開衝雁陣樹老挂魚簪何日凌霄去圖南許化鵬

東溝山

山上皆松綿亘江口

龍鱗三十里一氣走蜿蜒天塹東西闕江流日夜吞排
空亘沙嶼拔地聳雲根忽聽蕭蕭響風來萬馬屯

渡揚子江

浩浩洪流裏乾坤兩簸揚濤頭鳴雪練足底鼓雷礮詩
膽陡然壯名心忽已忘昔年京口渡不敵此蒼茫

雲山渺無際，煙雨復空濛。江遠舟偏急，風高浪自雄。奔騰喧一枕，嘯傲寄孤篷。沙漫洲經時到，潮痕上柳叢。

舟中放歌

今年南北皆大水，江河日下心忉忉。河流決溢自東豫，汴京中裂成巨濠。金隄倒瀉二百丈，千里鴻雁聲哀嗥。傳聞淤沙塞運道，吳楚何以通飛艘。揭來江鄉曠遊覽，田廬在水地不毛。居人蓬首向屋哭，頽垣斷礎圍周遭。稻花萬穗飽魚腹，白楊低亞青蘆高。鱗原一旦隸澤國，鯨鯢肆虐蛟龍豪。長江大河共滂淫，淫雨助之興波濤。媧皇石碎玉宇漏，涓滴所至傷民膏。中流恨無砥柱在，

淪胥終古憂滔滔江河之患匪易事海疆勝算尤難操
重洋不靖亦已久舳艫蔽天排旌旄長城近日失道濟
奸民外附紛逋逃七閩百粵竝兩浙戈戟組練弓離弦
白骨成山海波碧陰燐夜向滄溟號江淮征調迄無已
奮勇誰解歌同袍我今襍被辭蓬蒿沿江一葦橫輕舸
凌流不畏霜風鬢神州四顧心牢騷安得濁浪融春桃
刷黃有策休辭勞萬夫努力隨鳴鑼榮光燭天天無颶
江邊港汊齊汰淘清淺足容魚父篙禾麻可藝田可薅
千村婦子吟宵綯更挽銀河洗兵甲手斲鯨鯢鞭靈鼇
行間貔虎快歸伍禁中頗牧爭垂橐鯢生於此樂陶陶

舉觥大醉持雙螯興酣作頌追王褒兒白之續孫吳韜
淋漓寫入中山毫蓬瀛高處任翱翔那復偃蹇遊江皋
沿隄綠漾脩竹園夾岸香送穠稔村風條露葉看不斷
青楊紫葦何紛繁人語隔林辨墟落蟲聲在樹喧黃昏
水鄉豐樂此勝境澹然相對幾忘言

將至廣陵詠懷二首

綠楊聞說繞城隅南楚風光似昔無滅刺誰憐爾處士
論交我念管夷吾漕渠連海流難遏鹽鐵成書論豈迂
爲問紅橋二分月清輝曾否照寒蘆

生平愛讀參軍賦此日方來訪蜀岡流水鍾期應再遇
故人吳季最難忘竹西舊雨增吟興淮北秋風瘦客裝
擬向蕭樓尋彩筆不須空踏古雷塘

寓護國禪院贈僧智光

萬里寒雲撥不開夢魂又被曉鐘催當前卽是恆河岸
新向華嚴法界來

題額猶存學士書

禪院有高閣吳山尊
學士題曰坐濕雲

桐陰深護遠公

廬九峯零落研池冷已是滄桑小劫餘

九峯園舊與
禪院相近

笑我先逢翰墨緣平泉

僧名

坐上話廉泉

余將訪范廉泉
適於此地見其

所書

楹帖荻城回首添惆悵

廉泉曾
宰孝豐

不見湖山十七年

一局殘棋話六朝菩提禪慧本清超

智光喜奕

愛他豎指空

諸相無限天花袖底飄

夜占

一片清商韻吹來客裏聽江城淒夜角梵院語風鈴地
僻離塵迴燈寒向佛青條然動憚悅容我學談經

九日登城上南樓同智光

良會不可再繁華興已刪

去年九日在都中與同人聊大會于龍樹寺游讌竟日聊

吟王粲賦共話秣陵山我尙塵中擾君偏方外閒茱萸

牽客思昨夜夢鄉關

湖上泛舟

秋光已老秋水平主人招客遊江城湖邊郭外泛舟去
西風十里寒潭清繁華過眼一泡幻未若草木長滋榮
園亭夾岸盡蕪沒怪石偃臥徒縱橫頽垣斷井有餘痛
對之不覺心怵怵前賢勝地本無恙放棹且向中流行
碧桃紅藥冷芳訊青桐修竹綠虛楹六如軒內想餘韻
四并堂上懷羣英忠臣才子不世出湖山永享千秋名
盧雅賓曾賓伊墨李蘭皆好古匠作先後會經營漁洋以
外此其匹公餘載酒飛千觥我來憑眺已遲暮空階躑
躑難爲情支公導我更攀陟萬松高下如相迎蜀國俯
瞰最平遠淮東壯觀莫與京歐蘇卜築騁幽興

謂平山
谷林二

室誰謂妙景非天成隔江山峯嵐入檻底蓮花絕頂真光

明玲瓏樓閣出雲表塵封苔鎖蛛絲縈卅字橋名荒涼水

亭北藤羅上樹紅於酩園丁掃葉煮村釀掉頭那顧榭

楠傾惟餘泉石鎮林莽第五泉在平山呵護或藉賢公卿迷離

蒼翠宛圖畫巨手未得推關荆草堂風月判今昔小金山有

風亭月觀寒蘆何處尋鷗盟名流俯仰尙有盡烟霞孰與方

外爭招提佳境遍湖上禪房幽閤塵緣輕恨不襪被枕

高閣臥聽萬壑松濤聲雲山畢竟眼前負絲竹無奈愁

中鳴撫今思古慷以慨何況大地同虧盈再遊倘遇冶

春候詩囊酒榼重品評暮煙靄靄理歸權蟾輝低傍虹

橋生入門坐隱消永夜成敗試參棋一枰

桃花庵用壁間賓谷先生詩韻

紅葉炫湖光嫣然奪春色釣浮與桐蔭

浮筠舫桐蔭書屋俱在庵之內

虛室自生白寥寂感秋殘盛遊徒耳食桃花應笑我未
逢修禊客

廣陵雜詠

紅樹青山擁畫船平湖風靜菊花天教人勾起江南夢
小別秦淮已四年

欲學桓伊喚奈何祇園寂寂少人過木樨香散夫容老
空對一枝優鉢羅

風景蕭條似北邙
寒潮嗚咽水雲鄉
閒吟華屋山邛句
不到隋隄也斷腸

綠楊城外綠楊灣
簫鼓中流客思閒
莫問虹園舊歌舞
木魚聲斷小金山

淮東到此覺山平
永叔風流繫我情
踏遍崑岡殘照裏
背人低首誦燕城

五亭

橋名

烟水送歸橈
誰擁冰輪上碧霄
今夜方知二分

月清光一半在虹橋

曲徑通幽傍水隈
六如軒下重徘徊
此行不遇桃花浪

岸上汪倫底事來

鍾小亭見招再遊桃花
菴汪節船以有事未至

蕃釐觀

荒臺寥落掩靈根，蝴蝶秋來冷玉魂。魏國品題何處覓，

韓魏公有
瓊花詩

平章風調不堪論。

賈似道詩寂寂
蕃釐觀裏花

千珠舊壓

唐昌觀卅載曾移后，土垣雪萼瓊絲歸想像。至今仙客
渺無存。

遣悶

羞向塵中插脚過，壯游淮海竟如何。人無倚賴十年計，

家有盧仝七碗歌。

茶社
最盛

楚尾樓臺零落盡，江干舟楫送

迎多西來孰比禪。門慧面壁功深憶遠摩。

九月十五日將之如皋，榜人避徭役匿舟於二十

里外倚裝待之月上不至借宿河岸茶社

世無歐蘇賢大雅久不作獨立邦江濱羈人何寂寞奔
走恥形勢自信才力薄十日此淹留幽栖傍蘭若朝聞
烽火劫暮聽海氛惡但有僮僕親那知山水樂無怪杜
司勳江湖歌落魄沿途羽檄飛里閭氣蕭索慨自兵民
分兵轉爲民虐號令警不畏所至但剽掠與其沙場死
甘受宰官縛悍然如一心貔虎飽囊橐猛吏與蠹胥至
此俱畏卻遂令蘆中人風利不得泊倉皇水驛間迅如
鳥避繳我來舟不至誤哉棋一著欲行波浪阻欲返重
關鑰進退歎維谷轉羨燕巢幕幸獲湫隘區聊可伸尺

蠖霜飄刺虛櫺擁衾神以忤皎皎明月光淒涼難似昨
念彼從軍者露處膚皴皴冒雪荷戈及會無不龜藥願
作如是觀忍寒翻大噓我勞而彼逸槃澗亦寬綽碌碌
且隨緣解衣任磅礴

登舟

又挂孤帆去迢迢水驛間舟輕得風利波遠入江彎易
醒揚州夢難忘淮上山空門應笑我不及老僧閒

順風口占

搖落悲深宋玉秋西風一葉下揚州明朝更借飛廉力
送我蠓山頂上遊

海陽道上

水國千村慶歲豐
鹽河迢遞廣陵東
漁罾蠲斷田家樂
白板朱欄野市通
萬葦秋風深港外
一犁晴雪夕陽中
耕牛自毛沿隄蒼翠紛如畫
忽露槿花照眼紅

贈如皋范廉泉

仕義

明府四十韻

浩浩瀾滄水
君心似此清
滇南垂雅望
江左著循聲
地控遊龍岸
秋高射雉城
一時真茂宰
百里古編氓
憂樂前賢業
詩書早歲名
自從勤雪案
聯步入雲程
科第推先進
知交感後生
廉泉癸酉甲戌聯捷成進士余乙亥始生茗川初布澤
花縣首分榮
憶向趨庭識
欣逢布政成
廉泉初宰孝豐適家君典郡吳興有

師生之誼淵衷昭靜穆天目鑒廉明師友湖山契風波宦海

驚田廬希養志簡牘寄深情每以關河阻徒教夢寐縈
鑾江聞製錦瑣院仰持衡珊網揜逾密絃歌化更精灤

梁頻企慕鄖國久經營

如舉古鄖地

十載留東楚三年詠北

征官卑隔臺省路遠失蓬瀛品量慚徐孺文章媿馬卿
窮愁及春暮離思動燕京祇覺迷津誤難同捷足爭濤
頭看鯉躍轅下伴駒鳴計拙株空守才疎筆懶耕枌榆
重賦別車笠好尋盟訪戴乘吾興瞻韓在此行挂帆欣
已至倒屣荷相迎叔度胸懷廣元龍意氣傾紫芝標令
範玉樹列羣英丕煥雷封績常符月旦評却金彌淡泊

友石倍堅貞

署之西園廉泉
題曰友石堂

昨聽漁人蕭今瞻雀訟平

騰驤終展驥顧盼定遷鶯座有朋簪滿尊開酒醴盈茲
遊慰饑渴隨處見真誠筆健鋒如鐵詩雄律比兵衙齋
容嘯傲墨寶愛縱橫舊雨梅溪念新霜菊序更古歡珍
縞紵鄉夢繫柴荆樊鳳思何切雕蟲技敢呈長吟四百
字未足擬瑤瓊

過雨香庵望水繪園故址有感

池館已無地空餘繪水思我來百年後徙倚復何之南
楚風流盡東林故國悲卽今蓮社鉢能否似當時

庵外
有當

年洗
鉢池

遊霽峯園贈徐壽莊

名嵩年長蘆候補鹽知事與尊甫生莽老人皆以詩鳴

烟霞落落助吟毫才子園亭地望高霽色千峯摹北苑

詩名五代振東皋吟成太華題襟壯

集中有遊華山詩

醉學王

郎拔劍豪

壽莊繪拔劍圖

也擬相思附嵇阮丁沽明歲泛春篙

明春壽莊北上

連珠河上行

連珠河上秋風冷楓葉荻花淡無影北里新愁訴與誰
薄命紅顏偏薄倖君不見蘇小墓闌盼樓一時義氣垂
千秋柔腸俠骨今安在烟月紛紛水上漚吁嗟乎才子
甘爲美人死金屋銀屏長已矣郎自捐軀妾自存柳條

無恙章臺裏人生難斷是情魔情到深時魔更多若將
聚散分明認喚醒筵前春夢婆定情詩招魂賦卽空卽
色何常悟斷腸草連理枝花落花開漫不知此際聽歌
人意懶此時顧曲閒情斷琵琶依舊撥鷓鴣絃金縷蕭條
事可憐傷心莫問清溪水萍梗波濤恨渺然

謝徐丈生菴

珠

和詩兩疊前韻留別兼柬壽莊

白頭才調壓江毫唱入遙天尺五高萬首新詩紹弓冶
一生清福住林皋子猷看竹猶嫌傲潘岳吟秋不敢豪
多謝維摩老居士欄川深處好停篙

客窗風雨伴揮毫那及珊瑚架筆高蘭芷愛攀三楚地

驚駘羞週九方臬我如王粲遊應慣君學桓寬論自豪
最是萍踪多聚散淮陰橋畔又橫篙

留別廉泉

希文政績石湖詩當代於君兩見之小住那堪千里別
茲遊欣慰十年思循良蓋世才無匹貧賤依人計已遲
惠我琳瑯感高誼銜盃愁說挂帆時

九月二十四日雨中往水竹居作別徐生葦壽莊

喬梓出著作見示留飲甚懽醉後登舟作歌

老梧壓屋滴疎翠淒然一雨送冬至

是日立冬

入門看竹先

問主相逢又道別離易殷勤示我篋中編等身著作便

便笥生茸老人真大雅談經首闢河洛秘

著周易

羅霄

兵甲吐光燄縱橫莫測囊底智

去年國練鄉兵生茸會獻方畧惜不果行

五

行四氣得真詮目空千古醇而肆根柢經史貫天人文

壇宿將此樹幟詞賦上探屈宋源聲韻細剖華嚴字鉛

槩之下撚吟髭含商嚼徵猶餘事公才已可繼元直令

子品復追徐穉金玉其音圭璧躬屈抑且作風塵吏卽

今鳩杖侍婆娑一門歌嘯林泉地我來流連不忍別主

人好客有深意世間俗子盡堪詫白眼相看遭憎忌錙

銖富貴客推解不尙樸誠尙虛僞可知阮籍非猖狂饑

驅悔抱四方志那期邂逅獲素交杯酒論文不我棄雞

黍依然高士風尊壘彷彿青田器愁腸於此爲之空舉
觥放飲難辭醉從來相交貴知心驚駭何由識騏驎黃
金白水紛在前清濁孰與權利義此行落落殊寡合城
北徐公獨超異名園旣敵辟疆賢德望復與太邱類白
首快訂忘年交階下芝蘭動延企夜闌送我上扁舟淮
海茫茫愴離思醉中傾倒慰平生魚書更約郵亭寄舊
雨何如今雨濃千里雲天鑒高詣

風雨泊舟郭外

行止渾無定天涯不繫舟波濤誰利濟風雨此淹留傲
骨離城市閒心對水漚篷窗一開卷歌詠更何求

離鄉纔一月夜夜夢還家但覺人情險頻驚客路賒雲
邊迷百雉波外冷千鴉頓起浮沉感勞生誤歲華

昨見生葺齋頭盆菊甚佳舟中夜坐無事因補詠

一首

分得凌寒種幽齋菊吐英人高今綺季花媚老淵明予
亦愛孤豔因之淡俗情東籬餘想像拈筆對燈檠

海上五首

攻守兩無濟悲哉力不支將軍甘一死忠義貫全師淮
北摧雄鎮江東泣健兒傷心烽火劫况是舊瘡痍

專閫綽鈴重安危繫死生如何肩大任倉卒殉孤城勢

迫心無主謀疎敵自輕令人思范老膽破腹中兵
不道氛愈熾跳梁指顧間潮喧十洲閣雲暗四明山
火峯頭碧湖光月裏殷傳聞倍嗚咽南望起愁顏
鬼蜮奸如此明明議撫難錯成六州鐵舞帶七旬于招
募原難緩殲除敢再寬海壖心腹地何以息狂瀾
迅把櫓檣掃天威自不同飛書一尉候環海萬艘入
蔡相臣績平倭少保功銀河看倒挽兵氣靖寰中

讀劉孟塗集

卅載東南負盛名江湖飄泊一書生已看經術傳中壘
不獨才華過長卿我信修文返天上人悲客死在譙城

鵝洲水涸龍眠冷展卷臨風淚欲傾

舟行書所見

舟行渺無見但見千茅亭旣非中田廬又鮮過客停奴
子爲我言此係農所營頗聞春夏交禾黍方芽萌騎陽
亢雨澤不潤殊難耕斯亭用乃顯人巧如天成風輪貫
當中桔槔上下鳴一牛敵衆力瞬息溝澮盈下隰與高
原轉盼歌豐登卽今農事畢鴉尾眠縱橫牧童叱犢過
蹴踏紅蓮生乃知淮海間椎魯且至靈富饒數揚一此
語非不經

卽景

濛濛烟雨中片帆雲外峭
寒潮忽鼓盪
寧風吼萬竅欲
學剪江行舵重不能掉
野岸暫停泊推篷曠清眺

擬古

五陵少年子腰橫七寶刀
慷慨慕遊俠捨身如鴻毛
仰念擊筑歌易水同蕭蕭
豈不惜性命感恩非一朝
死生置度外斯爲人中豪

昔者韓王孫乞食淮陰市
不羞胯下辱所以成國士
胡爲功狗烹英雄長已矣
羨彼進履人能從赤松子
明哲貴保身古今同一理
簪纓而冠蓋何如盟白水

結客半天下形勢紛紛誇
綈袍感范睢葛帔傷西華
冷

暖世上情俗士徒咨嗟戴笠者誰子相逢嬾下車
倦金石交締合匪聲華伊人不可見溯洄秋水涯

美人在空谷窈然含幽香豈以蘭蕙姿而慕桃李芳穠
華扇春郊泊葉媚清陽孤標自矜重一洗塵世妝但願
住空谷不願登華堂試看桃李花零落大道旁

遣興

黃河九曲水片帆可以渡羊腸九折坂匹馬可以赴當
其勇往日所恃無恐怖一存退縮思隨在皆窘步險阻
有時盡流光難再駐

虎豹伏深山鵬鶚集高柯出則困陷阱飛則罹網羅網

羅與陷阱四顧何其多自有機械心動違天地和物我
兩無競平地消風波

驕人以富貴將與乞丐同驕人以貧賤毋乃說士風夫
惟古至人隨分安達窮城市與巖阿衆生皆泥鴻盈虛
任天機飛鳥翔高空

座間數樽酒案上一曲琴但有嘯歌侶不聞車馬音開
門見山水興至常登臨秋隄足稻梁春花滿園林爲告
風塵客此境殊難尋

遊子吟

風浪浪水湯湯四無人聲兮夜未央遊子獨坐心徬徨

形影相依共誰語但聞風聲水聲一氣同低昂扶搖直
上九萬里今我偃蹇河之涘頑奴貪臥呼不起孤吟聊
伴管城子嗚呼欲行難行止難止

吳姬曲

吳姬二八妍且都桃李爲貌冰雪膚頭上錯落金流蘇
腰間宛轉繡羅襦嫣然一笑揚清臚蓮花嫋嫋生紅瑜
手挾趙瑟吹齊竽殷勤勸飲尊中沽良辰美景尋歡娛
自言不是秦羅敷但得十斛明月珠爲郎重整文君壚
不識郎心似妾無

桂櫂蘭漿芙蓉舟美人亭亭倚舵樓一生長住百花洲

阿母教兒理歌喉初彈琵琶次箜篌玲瓏銀甲手自搗
楊花無力隨波流昨歲春風始上頭驚鴻舞燕罕與儔
王孫岸上停驂驢買舟徑向青溪遊湖上當年有莫愁
借問紅顏今在不

從軍歎

良人去從軍賤妾守空房當窗捲羅袂對鏡摘明璫團
圓合歡被不敢鋪銀床儂心伴郎去夜夜到沙場但願
郎早歸爲郎理新妝

盼郎郎不歸出門見軍伴道從郎處來欲言氣先短示
我戰時袍模糊血痕滿垂淚向藁砧從此妾腸斷腸斷

見真情郎死妾不生

吳州野眺

茫茫萬頃雲垂脚
烟靄空濛濛
林薄芳郊不知冬
已至
綠柳未凋桑未落
沿隄樹色何青蒼
灣環一水澄寒光
暖菰帶雨翠於滴
那似燕南菜葉黃
遠遊到此心神曠
恨少青山作屏幃
令我低徊見蜀岡
會須重步隋隄上

枕上

夜深不成寐
起坐且挑燈
犬吠寒如豹
客眠孤似僧
炎涼今已悟
遇合我無憑
自笑蓬飄久
中宵感倍增

聞舟子挂帆喜占

天掃陰霾忽放晴晨雞催客放殘更挂帆徑向波濤去
到耳但聞風雨聲聊爲詩情添活潑果然心地亦光明
曉來倚枕渾無事臥聽寒流不計程

閨思

明月照羅幃清風開素襟佳人坐幽室脈脈撫瑤琴
琴知我心傳出金玉音孤高誰與和一雁下空林
門前合驪樹旖旎如朝霞阿妹不相識道是馬纓花花
開人不見之子隔天涯願花遲遲開惜此好年華
雲母聚爲屏珍珠織作簾人在鬱金堂花濃玳瑁檐
波秋嫋嫋眉角翠纖纖深護歲華鎖儂知瓜李嫌

池畔野鴛鴦飛上迴文機海邊生燕子鷺入繡羅幃
鷺兩地分青鳥尺書稀爲問秦臺上何時跨鳳歸
渡口憶桃葉臺前念柳枝綿綿千里道不獨妾相思相
思無已時同心應共知夢魂如可到今夜打鶯兒
自君之出矣不敢上高樓樓高無片雲望見海西頭但
得大刀鏤何必覓封侯殷勤種紅豆一步一迴眸

過牆

海陽之西廣陵北江淮交匯成澤國甸滂湃向東注
奔流到此勢轉仄青天無雲自風雨寒潭怒吼蛟龍逼
練光一瀉數千丈譬如神駿難施勒遙看轉道浪盤紆

臨流陡覺帆無力舟人濟險同履夷長繩曳空岸上馳
軋疑此身在平地臥聽松濤竟日鳴山陲洪流雖猛心
不知我生半苦輪蹄乏烟波近與白鷗狎何年足跡半
天下朝過楚灘夕巴峽願將萬斛詞源水倒入西川共
噴飲應笑從前眼界狹

召伯埭用漁洋山人詩韻

不盡興亡感臨流繫客棹至今大隄上遺愛尙千家小
草吾儕愧甘棠舊逕斜河干閒徙倚心緒怯啼鴉

晚泊

古戍飛黃葉平湖盪晚烟風低雲壓樹村遠水浮天短

笛吹無調

片上開笛

扁舟醉未眠倚身長劍在且誦少陵篇

湖上歌

君不見淮南巨浸數百里吳開邳溝秦築郵上有七十
二澗之瀦水下有三十六陂之洪流就中燒社名獨顯
輝映草木珠夜浮登科人已隔千載過客憑弔長夷猶
我無髯秦大手筆書劍濫作淮海遊廣寒台星迥難見
雲山閣上罕與儔怒潮汨汨風颭颭滉漾直到天盡頭
今年黃水決瓠子汎濫東下不可收餘波入淮淮怒漲
此湖遂成千丈湫銀濤雪浪拍空舞白日黯淡魚龍愁
琉璃萬頃盡不破沙岸無地分河洲生平未吞九雲夢

目眩神沮如驚鷗躊躇四顧恍然悟乾坤以內皆浮漚

貞應祠

卽古之露筋祠前制府陶雲汀先生督漕時過
此禱冰有應以事上聞勅封今名先生有

詩勒石祠內

西風獵獵揚珠旗雲駟坐擁雙青螭上叩闔闔訴真宰
天子有道神人熙漫空冰雪忽開霽萬艘飛渡長淮
湄陶公忠盡感神佑奏章敬達天子知煌煌鳳詔
九重下丕煥俎豆新叢祠貞魂從此表靈應不數海岳
當年碑於庠神兮守義得其所弱質剛腸耀千古後人

流傳每訛謬露涇鹿筋義何取於今祀典勒貞珉溪毛

永薦秦郵土試看三十六湖樓

李榕園先生於祠內建三十六湖樓樓下顏曰

香遠

耿耿英靈照廊廡生展拜心彌虔明璫翠羽神

肅然印心主人已仙去摩挲遺碣頻流連神兮有靈憫

羈客好風送我挂帆席明朝鉢池山下過記向前川尋

月魄菩提靜悟得真詮浮生底事嗟行役

余求神籤有靜即菩提悟

即禪心如皓月

印前川之句

車邏書事

萬水滙東南未聞滿而覆支分源固合歸墟永無漏要
在入海前隄防善保守淤則通其滯溢則洩其溜秦郵

車邏地淮水環於右平湖三十六汪洋足相副今秋豫
河潰分波與淮鬪此間埧有五勢難容塞竇重以淫潦
灾湖水共馳驟高低旋成渦暄庀失晴晝紛如暴雨至
迅如飛電走沸如星鏑攢洶如霜鐘吼况遇打頭風凌
空助淒颼驚湍引更迴當之鮮不仆遊子呼失聲心悸
目爲脅榜人曰無恐有術能急就自來木從繩機巧天
所授長繩繫轆轤奮勇齊舉袖小舟導諸前大舟俟諸
後此牽而彼挽汗下仍偃僂一掣行數丈似筭不虛殼
豈用艣伊鴟那待帆張鸞瞬息出坎窞依然舷可扣濟
險若斯易北人所罕覲惟弱能敵強名理信不謬祇此

一綫物利濟功已奏回看湖上波荒涼異鶯脰返棹泊
淮濱又屆斜陽候

秦郵

長淮風靜夕陽明鷹隼摩空愛晚晴綠柳疎仍環甃社

紅橋移不到孟城

漁洋詩云紅橋四百姑蘇郡徑合移來著此間

文游今日難

希古國士當年獨擅名辛苦關河嬾憑眺荒郊閒聽紡
車聲

再詠絕句用漁洋韻

冷落珠湖返釣船竹枝音斷暮霜天風流不見王司理
寂寞人間又百年

日暮不得登文游臺遙賦長句

遺墟猶說古承州一代名賢載酒游正氣常留四君子
高臺俯瞰幾春秋祇今文采照天下誰更題詩在上頭
才薄緣慳心自壯黃昏滌筆向寒流

獨坐

獨坐了無事長吟那問途已忘身是客但與古爲徒彩
笑餘波麗輪思大雅扶海潮看不見何地覓韓蘇

汜水驛野望

長隄又見晚烟籠驛路新過界首東雲脚線垂疑釀雨
湖心舟小快凌風村多白屋人如蟻地少青山水亦雄

應笑魯揚揮不住一天暝色繫孤篷

見岸上馬羣感賦

紛紛可是不羈才霧鬣風鬣顧盼來道路幾人知驥子
羽書近日因龍媒霜橫蜀地羊腸阪秋老燕山駿骨臺
白草荒烟寒不斷郵程千里一鞭催

按圖未必盡空羣神駿當前豈易分已爲羈栖消歲月
終須蹴踏上風雲的盧瘦質猶登廐驃騎英名本冠軍

更有黃芝

太白馬名能得主詞壇控縱策奇勲

詠月

泊高郵城外

朔風竟日號向晚甫澄霽流雲天外散疎星水面綴蛾

眉忽弄影娟娟挂空際憶昨游虹橋光滿一輪桂舉杯
共招邀山水雨清麗佳景祇須與東遊重鼓柁蟻山小
勾留連朝遇昏暄藤蘿滴枯響桐陰暗深砌去去長淮
濱晦朔復相繼嫦娥赴碧海廣寒宮屢閉今宵始邂逅
河干快延睇雖無二分明皎潔自開翳徑寸珊瑚鉤新
向瓊樓製遙知白馬湖萬頃照容裔待到鏡圓時邗江
舟又繫看月在他鄉他鄉難久滯沉吟關山曲東望何
迢遞

韓侯釣臺歌用漁洋山人韻

我聞子陵先生釣客第一流遯跡不仕輕王侯桐江坐

隱却簪紱高臺萬古留山耶天子故人辭祿食將相對
之有愧色應憐開國舊元勛垂竿無此深沉識真龍憶
昔飛揚雲網羅國士冠六軍臣能將兵帝將將肇啟炎
祚傳子孫雉雛無端行詭道兔死狗烹功盡掃那若雲
臺圖畫尊翊戴千秋思築趙千秋臺在趙州嗚呼真王早欲誅
假王功成不退奚以臧貧窮甘受市井辱貴顯偏畏山
林藏祇知得計在歸漢末路如斯良可歎沸鼎魚遊悔
莫追蒯生之謀空灌灌臺下噴薄如江沱臺上嗚咽來
樵歌當年誤捨烟波去長爲英雄喚奈何蓑袂笠簷同
弔古紅葉蒼苔臘淒楚請看羊裘垂釣人一生高臥富

春土

淮陰懷古

漫遣清流混濁膠長淮終古自滔滔人憐枚叔荒三徑
我愛劉伶諷二豪天上斗墟辨躔度秦時城郭問蓬蒿
神仙爐火今休憶

老子鉢池二山昔皆鍊丹處

詞客由來許釣鰲

清河卽事四首

散不由人聚太奇無端邂逅又將離風塵豈戀桑三宿

花月甘拋笛一枝

趙迪齋心泉昆仲聚飲兩日卽行

已信熱腸消俗態

聊憑冷眼破情癡冬烘局外閒思索深淺於今要入時
興來隨分且追歡滴盡銅荷酒未闌醉後尙存豪士氣

醒時莫作衆人看
綠慳底事傳心曲
口拙何妨避舌端
歸去依然眠客館
膏騰那覺布衾寒

回首燕雲感不禁
壯懷冷落舊黃金
霜皋白鶴誰能和
雪嶺黃驄敢再吟
絲竹珊珊空外韻
泥鴻了了靜中心
相思只有長淮水
動我離情一往深

翠羽寒林夢久銷
歸心又逐廣陵潮
囊空不露毛生穎
裘敝難忘季子貂
剪燭光陰分片刻
倚樓情緒縮千條
臨歧默誦龍門傳
惆悵重過胯下橋

返棹維揚舟中戲作

一盂香稻枯喉潤
三盞椒花冷意融
拚與黑甜聯臭味

琉璃隔斷夕陽紅

再至維揚無日不雨旅舍悶坐一首

小春春未足易被羣陰汙纏綿無絕期
邗江鎖深霧淒淒螢苑草撼撼隋隄樹
雲暗玉鈎斜屐滑雷塘路出門
五十日半在雨中住天公困行人
通衢尙窘步歸期渺難定遠遊
一再誤獨坐罕晤對欲言向誰
訴奔走那知疲倏忽歲將暮硯
田荒不治此錯何堪鑄

阻雨六日雨仍未止勉強登舟僅離城十里外停

泊因疊前韻

楚南地卑濕水氣迎寒沍青天不可見無人撥雲霧溟

濛萬頃中遮斷博桑樹橫空拓風穴沉陰障月路載詠
涉波詩滂沱不忍住羅襪淨無塵仙人猶怯步遊子獨
呼舟啓纜唯恐誤是時雨轉急碧翁仙難訴同看綠楊
城離懷黯昏暮且吹舵樓火清吟煎日鑄

鑾江閒詠

白下嵐光入眼中濕雲千縷壓江東鱸魚紅葉今安在
不見青蓑一釣翁

柳岸離披萬葉黃當年仙掌路茫茫

范廉泉云前宰真州訪柳屯田墓已

不可得

多情尙有紅牙拍殘月曉風何處鄉

十月二十日江口始雪用東坡聚星堂詩韻

叢蘆四面戰枯葉揚子江頭天釀雪積雨初斷雲轉濃
濕氣漫空鳥飛絕舟中披裘手一編風刺薑牙寒欲折
忽聞篙工報集霰起看霧歷乍明滅今年滕六司命早
騎龍驟至尾怒掣颺入波濤不見花鯨宮收作冰綃纈
昨讀鑾江大雪歌阮亭詩豪情鼓舞罷香屑豈知一昔睹
真景千里飛翼來瞥瞥但得破浪返鄉關埋頭雪案無
他說舊書檢點草堂內呵凍頻磨硯池鐵

次日天霽阻風

一雪天威霽風聲怒不消江流南北限之子故鄉遙夢
破遊仙枕寒欺濁酒瓢躊躇行未得歸計阻雙橈

寒歌四章

舟中寒不可支戲作是以解之

却寒簾子垂四阿烏銀吐燄射銅荷錦屏遮斷戶外雪
重裯列坐揚清歌中有高人不下堂烹鸞炮鳳傾瓊漿
月明照見積素影道是今日初雨霜洞房窈窕心神曠
溫柔鄉裏春無恙豪家公子不知寒酒闌醉倒銷金帳
輪臺東頭雪如掌凍裂銀沙十萬丈雄風四吼狐兔竄
走馬天山自來往鹿皮袴褶烏雲裘髮指口噤冰壓鑿
踞鞍僵坐久且熱淋漓血汗粘金鞦大酒肥羊犒軍卒
奮臂一呼氣咆勃邊庭將士不知寒裏氊夜臥長城窟
荒江屋破烏夜啼天邊雁叫聲淒淒黃綿襖冷蓋不滿

鶉衣百結袍無綈五陵門前炙手熱凜然走避心似鐵
廬花作被石作枕餘生幸免虎狼穴得錢枯腸澆白墮
無錢瑟縮空廊坐道旁乞兒不知寒自拾松釵燒野火
陰崖猿嘯林鴉泣槎枒忽化怒虬立凍雲圍住萬重山
科頭跣足形如蠶迎風仙骨何珊珊胸中獨抱九轉丹
五月披裘尙忘暑甜雪自勝爛火餐吐納陽和靈氣至
冷暖休下世間事山林隱逸不知寒細嚼梅花抱冰睡

二十二日作

朔風鼓浪罷揚舠離緒撩人酒易醒洲上寒蘆頭已白
岸邊衰柳眼曾青螺聲向晚鳴孤墩漁火空江凍一星

遊子欲歸歸未得烽烟愁共說滄溟

飲酒詩

昔我年十一卽學登糟卽初飲裁一盞快然喜潤喉詎
意兩三日已進六七甌天生有酒腸性近非強求蘭成
論未工善用自忘憂高歌泣鬼神奇氣橫九州捨此杯
中物纍纍皆楚囚

猶憶十載前枌榆風俗儉酒食讓先生習儀靜以歛累
月不舉觥呬晤戶常扃偶然屈伏臘賓筵式無忝號呶
謹於始沉湎防其漸對之思聖賢觴政何所玷異哉出
門去動遇酒兵險

青溪四度遊秀才本是麴苦爲毛錐困角巾不敢漉幸
逢賢主人招客湖上屋三雅旣畢具一經豈云足座末
綠衣子眈眈逞醉目白波卷不盡飲河同鼠腹莫愁爲
我愁茗芋殊太促長揖別鴟尾棄甲難再逐黃封匪不
榮孱軀無此福

我醉每厭酒見酒復不厭長安市上沽十千價原贍旨
哉桑落味入口香且醖當場詡大戶唯恐他人占高陽
盡吾徒紅友紛攜艷遂令酒國中謬許躋壇坫曹騰隨
衆醉舊遊尙可念

世人皆傀儡優孟偏衣冠嬉笑與怒罵暢然有以歡相

對傾一卮不覺腸爲寬必謂聲色污龔隤而後安豈有
耳目司重於心之官清濁方寸分局促羞寒酸轉恨非
長鯨百川吸不乾花月興悠悠攜榼且盤桓

酒固我之友好友與酒同生平愛結客把臂傾卮筒燕
秦楚粵人聚之一室中冷暖無俗情意氣皆熊熊那復
論主賓杖頭錢屢空三百六十日醉鄉遊不窮北海洵
可師毋使彼獨雄膏肓病在此似有竹林風

過眼化雲烟良會渺安在僊舞醉後忘調語醒時悔壯
士重黃金預防顏色改一朝乖酒德難追史監皐凡事
貴有節逾節鮮不殆匪酒能亂性人自墮塵海識得甘

中苦澆風焉足浼

歲序倏已晚獨臥滄江內月旣不可邀影又慙相對悟
出破除法一飲萬事廢方冀解寂寥胡爲觸壘塊停盃
輒冥想了了又憤憤伸紙書不盡自笑語煩碎律以座
右銘猶如芒在背從今謝酒伯不作狂奴態觴詠率天
眞蕭然無罣礙

夢遊詞

夢遊非真遊也欲遊不果身未至而神則往矣
故有夢夢醒走筆記之得絕句二十首吾不知
其果睡魔幻境耶抑山水之靈暗中接引耶倘

閱者以嚙語斥之則又奚辭

天狼竟阻客星回江上蘆花笑口開水色山光看不盡
一齊都向夢中來

妙高臺下亂峯鋪泉水清於江水無一葉蓮花千丈絳
道人親解鐵葫蘆

水晶西畔月如霜松子無聲墜石床似有鶴魂飛上樹
羽衣新染海雲黃

踏遍芙蓉洞裏天九龍作勢走蜿蜒攜來紫府雲芽品
且試人間第二泉

寶帶橋頭水拍空闔閭城外月濛濛芒鞋先上要離塚

醉倚吳鉤氣亦雄

錦帆香水是耶非
波冷琴川梧葉稀
悄向女墳湖上過
冰花和雪凍魚磯

楞伽翠擁上方高
一綫平收震澤濤
萬斛西來朝絳闕
罡風吹斷紫琅璈

響屧廊空帶月行
靈巖飛下步虛聲
洞邊西子無人見
唯有滄浪水自清

猛虎何嘗避祖龍
劍鋒遮莫遜禪鋒
荒臺頑石向人立
想見當年蓮社蹤

溶溶深鷗接蒼嵐
破楚門中此結庵
人與桃花共仙去

夢尋香墨禮雲龕

帆影纔過烟雨樓
鵬聲忽地泛金牛
問余孰指西泠路
借得銀河不繫舟

綠蕤青翳薜蘿襟
甘與烟霞結賞音
萬丈虬松真解事
不教塵市混山林

香雪迷籬綻幾條
扶筇徙倚段家橋
美人林下休回盼
買醉曾無換酒貂

長隄枯柳冒斜曛
三竺殘鐘天際聞
勝迹流連行不得
干公祠廟鄂王墳

竹簟泉鳴十二時
金蓮香寂莫臨池
飛來可許重飛去

笑問靈猿知不知

裏湖外湖水自彎高峯南北蘇成斑風流白傅歸天上
愁煞青青五路山

溟渤如何尚有氛陣圖深鎖海東雲扁舟不渡之江水
怕聽潮聲十萬軍

漲痕初退小紅欄銀甲沉沉曲罷彈欲往神山風引去
又隨飛雁到長干

烟籠笛步少人行舊院繁華愴客情閒傍疎星過古堞
生憎籬落曉雞鳴

劇憐枕畔樂蘧蘧夢境分明並不虛我本癡人向誰說

黃梁猶是二更初

黃天蕩曉望作歌

輕颼剪剪鳴飛湍赤燾倒浸如跳丸布帆卓立向西去
披衣坐嘯江天寬昔言此地最險絕無風亦復揚波瀾
兒童皆知八百丈我今所見殊不然東南沙洲亘數里
譬彼滄海生桑田以之束水水不怒老蛟無力眠深淵
篙工涉險等平地客子笑看江中山諸山遠列京江口
真宰鼓盪向空走一峯偃臥一峯峙四者凸者辨某某
棲霞一峯更截嶠高揖雞籠瞰牛首龍潭古樹罨深翠
霧髻雲鬟互紛糾金陵山色看不厭恨我未逢麋鹿友

放舟欲去動鄉思幾度回頭戀巖數繫余力薄困春風
翩然退歸茅屋中無端遠遊計復左前途恍遇阮嗣宗
異鄉淹滯秋徂冬揚子津邊久繫碇奮飛直欲伴賓雁
狂吟那顧驚蟄龍烟霞今夜又成夢知落名山第幾重

瓜步山

地分揚子縣山擁佛狸祠風勁魚梁落潮寒雁字遲荻
花翻白絮柳葉變金絲指點雄州近欣然一舉巵

舟次六合

屬耳無人口漫筭苦吟自覺筆鋒銛山因水轉時當面
塔比城高獨露尖橋上疎燈喧夜市岸頭殘角亂郵籤

楚咻依約還如古擾我丹中夢不甜

有感

水曲源流清山遠顏色好不意行路人獲此天地寶真
機自活潑渲染絕淨藻納之縑素中可作龍眠藁興至
卽移情安用侈蓬島一山一水間悠然暢襟抱

人言行路苦吾謂行路樂塵囂渺無見宇宙都寥廓奔
雲逐電姿豈受世羈絡與其老櫪下何如食場藿逍遙
避埃壒微名不可縛隨地有風濤胡爲感飄泊

河干田家

門前一樹楓瀕若塗朝霞屋後半畝竹冷翠何交加穿

林眾鳥歡結陣隨暮鴉
菲簷八九間蕭洒野人家
開戶見河隄墳起不在窪
新炊飽玉粒馥郁勝胡麻
老氓閒杖藜行歌烟水涯

夜景

斜漢空中澹好風
帆際歸寒芒繫不盡瞥見一星飛
船頭飢鼠行
蕭然驚客夢夢醒身在舟
認作雞舞甕
和吳梅村子夜歌十三首用原韻

慵挑鐙上花怕聽簷前雨
銀箭已沉沉兀坐瑤窗裏
鏤鴛玉搔頭雕龍珠腕釧
珠玉儂不愛自愛芙蓉面
故指畫中人問郎郎不識
回頭視妾笑一樣拈花立

君如琴上柱儂如琴上絃相依分不得儂心君自憐
含嗔佯似怒怒極翻成愛半晌起紅潮偷理鴛鴦帶
錦幔圍蔭澤雲屏落唾花嫦娥偏好事送影上團紗
殷勤繡迴文綺麗難再得情絲千萬條都向心中織
謾道清于雪羞言慧比珠從前珍重意原自費踟躕
風裊柳腰輕汗下燕支濕學得霓裳譜道奴嬌有力
去去前溪上無人獨浣紗蜻蜓向奴立亦復戀顏華
鎮日下重簾寶鴨香燭不是畫樓人那覺園林好
流蘇七寶帳銀燭九華烟香麝眠瓊鳥金猊暖翠鉏
喁喁誓花前但祝君莫去此後長相思何如休掉臂

廿七日下午舟漫吟

波濤來往二千里風雨蕭疎滯客船
拋却光陰成底事草堂孤負小春天

烟花夢冷古揚州騎鶴何須說
壯遊日晚淮陰閤縱目千金亭外水空流

醉拈秃筆自鈔詩篋裏名編得我師
儘有豪情吟不斷雲山還約再來時